

(প্রেস বিজ্ঞপ্তি)

২৬ মার্চ ২০২৩খ্রি.

## চট্টগ্রামের ৯ কৃতি ব্যক্তিত্বকে চসিক স্বাধীনতা স্মারক সম্মাননা পদক দিলেন মেয়র

বিভিন্ন ক্ষেত্রে অসামান্য অবদান রাখায় চট্টগ্রামের ৯ কৃতি ব্যক্তিত্বকে চসিক স্বাধীনতা স্মারক সম্মাননা পদক-২৩ এ ভূষিত করেছেন চট্টগ্রাম সিটি কর্পোরেশনের (চসিক) মেয়র (প্রতিমন্ত্রী) বীর মুক্তিযোদ্ধা মো. রেজাউল করিম চৌধুরী। রোববার বিকালে থিয়েটার ইনস্টিটিউটে এক বর্ণাঢ্য আয়োজনের মধ্য দিয়ে পদক প্রদান করা হয়।

মহান স্বাধীনতা দিবস উপলক্ষ্যে জাতির পিতা বঙ্গবন্ধু শেখ মুজিবুর রহমান এর ঐতিহাসিক নেতৃত্ব বিষয়ে আলোচনা সভায় প্রধান অতিথির বক্তব্যে মেয়র বলেন, বঙ্গবন্ধু শেখ মুজিবুর রহমানের নেতৃত্বে সংগ্রাম করে এই দেশটির স্বাধীনতা এসেছে। তার জন্ম না হলে এই জাতিকে এক করে যুদ্ধের ময়দানে নেয়া যেতেনা। বঙ্গবন্ধুর জন্মের মধ্য দিয়ে স্বাধীনতার চেতনার জন্ম বাস্তবে রূপায়নের সম্ভাবনা সুযোগ তৈরি হয়।

"ভেতো বাঙালি বঙ্গবন্ধুর ডাকে যোগ দিয়েছিল মুক্তিযুদ্ধে। দুর্বল বাঙালিরা একেকজন পরিণত হয়েছিল স্বাধীনতার লড়াকু সেনায়। ছাত্র অবস্থায় নিজের জীবনের মায়্যা ত্যাগ করে যুদ্ধে গিয়াছিলাম কেবল জাতির পিতার ডাকে। অনেক সহযোদ্ধার প্রাণ গেছে, কিন্তু বঙ্গবন্ধুর প্রেরণায় লড়াই চালিয়ে গেছি, এনেছি স্বাধীনতা। আজ পাকিস্তান দেউলিয়া আর বাংলাদেশ উন্নয়নের রোলমডেল।"

পদক প্রদান প্রসঙ্গে মেয়র বলেন, যে জাতি তার কৃতি সন্তানদের মূল্যায়ন করেনা সে জাতির মধ্যে কৃতি মানুষের জন্ম হয়না। এ চেতনা থেকে চট্টগ্রামের ৯ কৃতি ব্যক্তিত্বদের আজ আমরা সম্মাননা দেয়ার মাধ্যমে পরবর্তী প্রজন্মকে আরো ভালো কাজে উৎসাহিত করছি।

এবারের বিজয়ী নয় বিশেষ ব্যক্তি হলেন, স্বাধীনতা আন্দোলন ও মুক্তিযুদ্ধে ভূমিকার জন্য উত্তর জেলা আওয়ামী লীগের সাবেক সভাপতি ও দুইবারের নির্বাচিত সাবেক এমপি নুরুল আলম চৌধুরী (মরণোত্তর), শিক্ষায় পাচ্ছেন মোহাম্মদ হোসেন খান (মরণোত্তর), সাংস্কৃতিক/সঙ্গীতে অচিন্ত কুমার চক্রবর্তী (মরণোত্তর), ক্রীড়ায় আনোয়ার উল্লা খান (মরণোত্তর), মুক্তিযুদ্ধে মীর্জা আবু মনসুর, সমাজসেবায় রফিক আহামদ, বেতার ব্যক্তিত্ব ফজল হোসেন, সাংবাদিকতায় দৈনিক পূর্বকোণ এর সিটি এডিটর, বীর মুক্তিযোদ্ধা নওশের আলী খান, অটিজম ও শিশু চিকিৎসায় ডা. মাহমুদ আহমদ চৌধুরী আরজু।

আরো উপস্থিত ছিলেন প্যানেল মেয়র মোহাম্মদ গিয়াস উদ্দিন, সমাজকল্যাণ স্ট্যান্ডিং কমিটির সভাপতি কাউন্সিলর আবদুস সালাম মাসুম, জহর লাল হাজারী, হাসান মুরাদ বিপ্লব, আতাউল্লা চৌধুরী, মো. ইসমাইল, পুলক খান্টগীর, মোহাম্মদ আবদুল মান্নান, রুমকি সেনগুপ্ত, সচিব খালেদ মাহমুদ, প্রধান রাজস্ব কর্মকর্তা মোহাম্মদ নজরুল ইসলাম, প্রধান শিক্ষা কর্মকর্তা লুৎফুন নাহার, প্রধান প্রকৌশলী রফিকুল ইসলাম, স্পেশাল ম্যাজিস্ট্রেট মনীষা মহাজন, শিক্ষা কর্মকর্তা উজালা রানী চাকমা, তত্ত্বাবধায়ক প্রকৌশলী মনিরুল হুদা, বিপ্লব দাশ, নির্বাহী প্রকৌশলী আশিকুল ইসলাম, উপ-সচিব আশেক রসুল চৌধুরী (টিপু), চসিক সিবিএ নেতৃবৃন্দসহ কর্মকর্তা-কর্মচারীবৃন্দ।

## স্বাধীনতার রক্ষায় লড়াইর প্রত্যয় চসিক মেয়রের

বাংলাদেশের অভ্যুদয়ের ৫২তম বার্ষিকীতেও স্বাধীনতা বিরোধীরা ষড়যন্ত্র অব্যাহত রাখায় স্বাধীনতার লড়াই চালিয়ে যাওয়ার প্রত্যয় ব্যক্ত করেছেন চট্টগ্রাম সিটি কর্পোরেশনের (চসিক) মেয়র (প্রতিমন্ত্রী) বীর মুক্তিযোদ্ধা মো. রেজাউল করিম চৌধুরী।

রোববার সকালের আলো ফোটার সাথে সাথে মিউনিসিপ্যাল স্কুলমাঠে অস্থায়ী শহীদ মিনারে জাতির বীর সন্তানদের ফুলেল শ্রদ্ধা জানান মেয়র। এরপর টাইগারপাসে চসিক কার্যালয়ে জাতির পিতা বঙ্গবন্ধু শেখ মুজিবুর রহমানের প্রতিকৃতিতে পুষ্পস্তবক অর্পণ করেন তিনি।

এসময় মেয়র বলেন, ২৬ মার্চ প্রথম প্রহরে জাতির পিতা বঙ্গবন্ধু শেখ মুজিবুর রহমান বাংলাদেশকে স্বাধীন ঘোষণা করে দেশবাসীর উদ্দেশে তারবার্তা পাঠিয়ে যান যা ইপিআরের ওয়্যারলেস বার্তায় প্রচারিত হয়। জাতির পিতার ডাকে যুদ্ধ করে আমরা দেশ স্বাধীন করেছি। তবে এখনো একান্তরের পরাজিত শক্তি নানা ষড়যন্ত্র করছে। এদের প্রতিহত করতে আমাদের বঙ্গবন্ধুকন্যার নেতৃত্বে সুখী সমৃদ্ধ বাংলাদেশ গড়ার লড়াই চালিয়ে

যেতে হবে। এসময় মেয়রের সাথে ফুলেল শ্রদ্ধা জানান প্যানেল মেয়র মোহাম্মদ গিয়াস উদ্দিন, প্রধান নির্বাহী কর্মকর্তা শেখ মুহম্মদ তৌহিদুল ইসলাম, সমাজকল্যাণ স্ট্যান্ডিং কমিটির সভাপতি কাউন্সিলর আবদুস সালাম মাসুম, হাসান মুরাদ বিপ্লব, আবুল হাসনাত মোহাম্মদ বেলাল, সচিব খালেদ মাহমুদ, প্রধান রাজস্ব কর্মকর্তা মোহাম্মদ নজরুল ইসলাম, প্রধান শিক্ষা কর্মকর্তা লুৎফুন নাহার, প্রধান প্রকৌশলী রফিকুল ইসলাম, স্পেশাল ম্যাজিস্ট্রেট মনীষা মহাজন, শিক্ষা কর্মকর্তা উজালা রানী চাকমা, আঞ্চলিক নির্বাহী কর্মকর্তা মোঃ রেজাউল করিম, উপ-সচিব আশেক রসুল চৌধুরী (টিপু), উপ-প্রধান পরিচ্ছন্ন কর্মকর্তা মোরশেদুল আলম চৌধুরী, তত্ত্বাবধায়ক প্রকৌশলী বুলন কুমার দাশ, বিপ্লব দাশ, নির্বাহী প্রকৌশলী মীর্জা ফজলুল কাদের, রেজাউল বারী ভূইয়া, শাহিনুল ইসলাম, ফরহাদুল আলম, রিফাতুল করিম, চসিকের বিভাগীয় ও শাখাপ্রধানগণ, চসিক সিবিএ নেতৃবৃন্দসহ কর্মকর্তা-কর্মচারীবৃন্দ।

## রোজাদারদের জন্য মাসব্যাপী ইফতারের আয়োজন করলেন চসিক মেয়র রেজাউল

রোজাদারদের জন্য মাসব্যাপী ইফতারের আয়োজন করেছেন চট্টগ্রাম সিটি কর্পোরেশনের মেয়র (প্রতিমন্ত্রী) বীর মুক্তিযোদ্ধা মো. রেজাউল করিম চৌধুরী।

রোববার নগরীর লালদীঘিষ্ট্র মাহবুব উল আলম চৌধুরী চট্টগ্রাম সিটি কর্পোরেশন পাবলিক লাইব্রেরিতে মেয়রের সাথে ইফতারি গ্রহণ করেন সব শ্রেণি-পেশার মানুষ, কাউন্সিলরবৃন্দ ও চসিকের বিভাগ ও শাখাপ্রধানবৃন্দ। মহতী এ আয়োজনের সার্বিক তত্ত্বাবধান করছেন ৩২ নং আন্দরকিল্লা ওয়ার্ডের কাউন্সিলর জহর লাল হাজারী।

মহতী এ উদ্যোগ সম্পর্কে মেয়র বলেন, রোজার মূল শিক্ষা আত্মত্যাগ এবং অসহায়দের সাহায্য। সাধারণ পথচারীর বিশেষ করে গৃহহীন, এতিম ও হতদরিদ্ররা যাতে সহজে ইফতার করতে পারে তার জন্য এই মাসব্যাপী আয়োজন। ইতোমধ্যে বিভিন্ন সামাজিক সংগঠনকে সাথে নিয়ে হাজারো মানুষের হাতে ইফতার সামগ্রী ও সেহেরি পৌঁছে দিয়েছি। আর্থিকভাবে পিছিয়ে থাকা রোজাদারদের সহায়তায় এগিয়ে আসতে সমাজের বিত্তবান শ্রেণিকে আহ্বান জানাচ্ছি।

## ৫০০ পরিবারকে ইফতারসামগ্রী দিলেন মেয়র

সিটি কর্পোরেশনের প্যানেল মেয়র গিয়াস উদ্দিনের উদ্যোগে ৫০০ জন পরিবারের মাঝে ইফতার বিতরণ করা হয়েছে। রোববার দামপাড়াষ্ট্র একটি কমিউনিটি সেন্টারে আয়োজিত অনুষ্ঠানে প্রধান অতিথি হিসেবে ইফতার বিতরণ করেন চট্টগ্রাম সিটি কর্পোরেশনের (চসিক) মেয়র (প্রতিমন্ত্রী) বীর মুক্তিযোদ্ধা মো. রেজাউল করিম চৌধুরী।

এসময় মেয়র (প্রতিমন্ত্রী) বীর মুক্তিযোদ্ধা মো. রেজাউল করিম চৌধুরী প্যানেল মেয়র গিয়াস উদ্দিনের নেয়া এ মহতী উদ্যোগের প্রশংসা করে বলেন, সাধারণ মানুষের পাশে বিত্তবানদের দাঁড়ানোর সর্বশ্রেষ্ঠ সময় এ সিয়াম সাধনার মাস রমজান। আজকের এ মহতী উদ্যোগের সাথে সংশ্লিষ্ট প্যানেল মেয়র গিয়াস উদ্দিনসহ সকলকে আন্তরিক ধন্যবাদ জানাচ্ছি। আশা করি অন্যরাও এই উদ্যোগে উৎসাহিত হয়ে অসহায় মানুষের পাশে দাঁড়াবেন।

এসময় আরো উপস্থিত ছিলেন বাগমনিরাম ওয়ার্ড আওয়ামীলীগের সভাপতি আবদুল আজিম, ওয়ার্ড আওয়ামী লীগের সাধারণ সম্পাদক সাইফুল আলম বাবু, চট্টগ্রাম ডেকোরেশন মালিক সমিতির সাধারণ সম্পাদক সাজিদুর রহমান মিল্টন, ক ইউনিট সভাপতি মোঃ শাহাজান, বাগমনিরাম ওয়ার্ড স্বেচ্ছাসেবক লীগের সভাপতি মো. আবসারসহ ওয়ার্ড আওয়ামীলীগের নেতৃবৃন্দ উপস্থিত ছিলেন।

স্বাক্ষরিত/-

(আজিজ আহমদ)

জনসংযোগ অফিসার কাম প্রটোকল অফিসার

চট্টগ্রাম সিটি কর্পোরেশন।

মোবাইল-০১৮১৯-৯৩০ ৪৮৮